



Broj: 06/3-50-1-76-26-2/11

Sarajevo 14.07.2011. godine

ZAPISNIK

26. sjednice Odbora za žalbe građana Parlamentarne skupštine Bosne i Hercegovine, održane 14.07.2011. godine

Dvadesetšestu sjednicu Odbora za žalbe građana Parlamentarne skupštine BiH sazvala je Amela Bašić – prva zamjenica predsjednika.

Sjednici Odbora, u svojstvu članova, prisustvovali su: Borislav Radić – drugi zamjenik predsjednika, Danica Berić, Ermin Pešto, Marijan Milićević - članovi, te Aida Kreho – privremeni sekretar Odbora za žalbe građana Parlamentarne skupštine Bosne i Hercegovine.

Sjednici, iz opravdanih razloga, nisu prisustvovali Mate Miletić i Hamida Karčić.

Sjednici je, također, prisustvovala Fatima Miletić iz Policijske misije Evropske unije.

Sjednica Odbora počela je u 10 sati.

Nakon što je konstatirano da postoji kvorum, predložen je sljedeći

DNEVNI RED

1. Usvajanje zapisnika sa 25. sjednice Odbora za žalbe građana Parlamentarne skupštine Bosne i Hercegovine;
2. Razmatranje predstavke na rad pripadnika Granične policije BiH (izvjestilac: Amela Bašić);
3. Tekuća pitanja.

Dnevni red je jednoglasno usvojen.

Ad.1. Usvajanje zapisnika sa 25. sjednice Odbora za žalbe građana Parlamentarne skupštine Bosne i Hercegovine

Članovi Odbora *jednoglasno su prihvatili* Zapisnik sa 25. sjednice.

Ad.2. Razmatranje predstavki na rad pripadnika Granične policije BiH (izvjestilac: Amela Bašić)

Amela Bašić je, članovima Odbora, u kratkim crtama prezentirala predstavku broj: 05/2-50-1-76-25-2/11 od 21.06.2011. godine. Iako predstavka ne sadrži neke od osnovnih podataka da bi se po njoj postupalo, članovi Odbora su uputili predstavku Graničnoj policiji BiH na očitovanje, te je nadležna institucija Odboru i dostavila svoj Izvještaj, 24.06.2011. godine. Nakon ponovne diskusije o predstavi i o Izvještaju Granične policije BiH, stav članova Odbora je bio da se postupi u skladu sa Zaključkom sa prethodnog sastanka, kojim je

predsjednik Odbora, g. Mate Miletić, zadužen da izvrši uvid u spis, te obavi druge dogovorene radnje, te da o tome izvjesti članove Odbora na narednoj sjednici. Ovisno od dobivenih informacija, članovi Odbora će donijeti odluku o eventualnoj potrebi za dodatnim aktivnostima u vezi sa navedenom predstavkom.

Ad.3. Tekuća pitanja

Pod ovom tačkom Dnevnog reda, članovi Odbora razmatrali su Plan rada Odbora za tekuću godinu i način realizacije njime predviđenih obaveza u prvih šest mjeseci. U diskusiji je zaključeno da su planirane obaveze u prvih šest mjeseci realizirane, izuzimajući posjete terenskim uredima SIPA-e i Granične policije, koje su izostale obzirom na trenutno važeću Odluku o privremenom finansiranju institucija Bosne i Hercegovine. Članovi Odbora konstatairali su da će se, po usvajanju Zakona o Budžetu institucija BiH i međunarodnih obaveza za 2011. godinu, realizirati i ove obaveze, te izvršiti kontrola rada u terenskim uredima policijskih agencija, nad čijim radom Odbor vrši nadzor.

Također, članovi Odbora utvrdili su i kalendar obaveza Odbora za narednih mjesec dana.

Sjednica Odbora za žalbe građana završena je u 11:30 sati.

Privremeni sekretar
Odbora za žalbe građana
Aida Kreho

Prva zamjenica predsjednika
Odbora za žalbe građana
Amela Bašić